

2009ko bigarren hiruhilekoan % 2,1 gutxitu da jaiotza kopurua

2009ko bigarren hiruhilekoan jaio diren 5.347 haurren % 54 etxeko lehenengo seme-alaba izan da

Eustaten datuen arabera, 2009ko bigarren hiruhilekoan 5.347 haur jaio dira Euskal AEn, aurreko urteko aldi beraren aldean % 2,1 gutxiago. Lurraldeka, Araban 844 haur jaio dira, 2008ko bigarren hiruhilekoan jaio zen haur kopuruaren aldean % 3,3 gehiago. Bizkaian 2.650 jaio dira, % 4,4 gutxiago. Eta Gipuzkoan 1.853 haur jaio dira, % 1 gutxiago.

Gurasoak ezkondu gabe zeudela jaiotako haur kopurua guztirakoaren % 29,9 izan da, 2008. urteko hiruhileko berean izan zen ia ehuneko bera. Hiru lurraldeen artean soilik Bizkaiak izan du Euskal Autonomia Erkidego osoko balioak baino altuagoak (% 30,8). Araban eta Gipuzkoan ehuneko pixka bat txikiagoak izan dira: % 28,4 eta % 29,1, hurrenez hurren.

Jaiotzen hurrenkera kontuan hartuta, 2009ko bigarren hiruhilekoan jaiotzen erdia baino gehiago (2.887 haur) lehenengo seme-alabak izan dira; 2.028 haur (% 37,9) bigarren seme-alabak izan dira eta jaiotako haurren % 8,1 hirugarrena edo hortik gorako seme-alaba izan da. Soilik Bizkaian (% 43,7) gertatu da bigarren edo ondorengo seme-alaben ehunekoa Euskal Autonomia Erkidegoko batez bestekora (% 46) ez heltzea. Araban eta Gipuzkoan, aldiz, ehuneko hori bi kasuetan % 48 izan da.

Lau jaiotzatik hirutan amak 30 urte baino gehiago izan ditu


Jaiotzak amaren adinaren arabera banatzean ikus daiteke 30-34 urtekoak oraindik nagusi direla, jaiotzen ia erdia adin-tarte horretan gertatu baita. Gero 35-39 urteko amen artean eman da jaiotza gehien (% 29,3), eta 25-29 urteko amen artean soilik izan da jaiotzen %16. Muturreko adin-tarteetan, 25 urtetik beherako multzoan jaiotzen % 6,5 izan da eta 40 urtetik gorako multzoan jaiotzen % 4,2 baino ez.

Ezkondu gabe zeuden emakumeen artean ama izateko adina seme-alabak izan dituzten emakume guztiena baino txikiagoa izan da: ama ezkongabeen % 15,2k 25 urte baino gutxiago zituen eta % 20,4k 25-29 urte artean.

1. taula: Bizirik jaioak Euskal AEen. Taula konparatiboa.

	2009ko 2. hiruhil.		Aurreko hiruhilekoa (2009ko 1. hiruhil.)		Aurreko urteko hiruh. bera (2008ko 2. hiruhilekoa)	
	Kop.	%	Kop.	%	Kop.	%
Euskal AE	5.347	100,0	4.981	100,0	5.459	100,0
Araba	844	15,8	788	15,8	817	15,0
Bizkaia	2.650	49,6	2.541	51,0	2.771	50,8
Gipuzkoa	1.853	34,7	1.652	33,2	1.871	34,3
Amaren adinaren arabera						
<= 24 urte	347	6,5	334	6,7	361	6,6
25 - 29 urte	858	16,0	788	15,8	959	17,6
30 - 34 urte	2.349	43,9	2.200	44,2	2.379	43,6
35 - 39 urte	1.568	29,3	1.402	28,1	1.498	27,4
>= 40 urte	225	4,2	257	5,2	262	4,8
Amaren egoera zibilaren arabera						
Ezkondua	3.750	70,1	3.489	70,0	3.859	70,7
Ezkongabea	1.597	29,9	1.492	30,0	1.600	29,3
Jaiotza-hurrenkera						
Lehenengoa	2.887	54,0	2.792	56,1	2.959	54,2
Bigarrena	2.028	37,9	1.784	35,8	2.076	38,0
Hirugarrena edo gehiago	432	8,1	405	8,1	424	7,8

Iturria: EUSTAT



Iturria: EUSTAT

oinarria100 = media

Argibide gehiago:

Euskal Estatistika Erakundea

Donostia-San Sebastian kalea, 1 01010 Vitoria-Gasteiz

Tel.: +34-945-01 75 00 Faxa: +34-945-01 75 01 Helb. elek.: eustat@eustat.es

Harremanetarako pertsona: Martín González Hernández

Tel.: +34-945-01 75 49 Faxa: +34-945-01 75 01

Prentsa-oharrak Interneten: www.eustat.es